

松
圓
浪
淘
集

松園浪淘集卷中目錄

移居卷八

九四十四首

元日雨中同士徵言懷

喜孫士徵遠訪因憶鄉園遣懷

送士徵有寄

又述懷兼柬所知

寄許康侯

再過幕府呈戚總戎

吳淞雨夜懷士徵

風雨嘆

兒病起戲劬長慶體

寄莊將軍

寄懷趙常山

閏九日陪張錢二丈登城晚眺

曉雨

同閑孟長蘅出郭看梅期遊江橋作

乙巳清明偶題阿防扇

聞方方叔平仲各罹艱故悲悼三首

石岡園襍詩五首

西爽亭

送滕子

題長蘅次醉閣

雨夜王弱生鄭閑孟過李長蘅予未能同
輒有此寄

桐城葉孝廉雨中夜訪

葉孝廉解纜入四明惜別

東沈伯咸丈

送聞師兄之西湖兼寄伯美四首

鮑甥至夜話明發過揚州輒示三首

同聞野一雨師過禪悅院宿師心上人房

惠泉上見惟康聞士徵已過余客舍

張魯生遣馬迎過郊居話別

寄訊許成之

唁瓜洲閔氏妹婿

五月送徐爾常

過崑山西城拜孫丈振願先生墓

雪浪卷九

凡六十一首

感秋將赴白下作

短歌送許大康侯

寄許都陽丈淳安

清涼臺同李長蘅卽目有懷子柔

代女郎崔三送友人

走筆訓別汪子

曲中聽黃問琴歌分韻八首

流波館聽曲送客短歌分梁字

吳興吳允兆臧晉叔席上同汪仲嘉諸君
分韻送景升

木末亭

秦淮水閣歌送潘景升兼訊子荆

酬別苗五美人廿二韻

阻風石頭城下長歌別孫士徵

隔江懷鮑大

早春郊遊荅朱老次韻

送張伯美遊杭寄成之

送履和攜子之廬江

送子柔叅雲栖

春暮與鮑谿父言懷

暮春谿父遠訪肯畱旬月臨別輒贈四首

中宵

憶金陵六首

弔崑山張仲服

寄雪浪師京口

崑山襍題畫絕句十首

送孫氏舅歸陽山大石

畫水

崑山響梵閣懷季常上人遊九峯二首

壽李三翁七十

遇琴卷十

九四十六首

谿山圖卷二首

孫漢陽屏風十二詠題壽

招德先宗兄

題松窓讀易圖

雨夜同家叔話舊

清明拜張二丈墓

寄啓陽家叔

送張愼其秦中謁顧中丞就婚

子柔兄生子復聞晬日喜賦此詩

題桃花下雞

愁霖

寄孫三廬江

中秋莊民敬將軍遣舟相迎同張季脩觀
月余齋日止酒

海上

十八夜將別忽部中奏樂有善撾鼓者遂
畱飲至夜分

送葛山人

酒閒歌送洞庭葛實甫兼寄訊一雨禪師
題江月圖贈建昌梅子庾

送林符卿自吳興遊新安

送莆田宋比玉歌

陳侯介壽詩賦得秋字

得康字

得風字

寄懷宋比玉兼訊翁陳二子

戲題汪無際泖上游冊

書事

題畫扇

過唐正叔郊居漫題索和

宿長蘆齋閣卽事有懷比玉

已酉春暮唐正叔鄭閑孟攜榼就吾家餞

莆田翁吾鼎醉後自爲短歌

寄獄中

春湖卷十一 凡五十七首

送翁吾鼎過崑山宿張氏山園

送客閩門對雨懷仲和讀書花山

閩門訪舊作

鷺脰湖道中值雨漫興

塘栖道中

西湖訪舊兼東新知

將叅雲栖漫述

題畫

將歸呈所知

許成之鮑谿父追送塘栖余齋日不飲

送吳趾瑞還鄉覲省

題畫扇送長蘅

送張伯美北遊

送李長蘅北上三首

雋山別夜宿湛公房作

平山堂

平山堂歌

九日值方叔北上惜別

同簪生夜歸飯子貞舅氏館

畫風雨夜泊沽酒圖

懷孫三履和

追送故人方伯雨郡城值雨夜發道故惜

別

飲孫履和同錢二丈婁大兄酒後見月感

懷口號

病中送履和兼懷李茂脩

歲除同吳趾瑞言懷

庚戌元日漫興

喜雪畱閑孟同飯

正月四日張次公先生過遇琴館畱宿對
雪卽事

過魯生郊居探梅

郊遊歸荅朱又見訊次韻

西郭梅園有懷長蘅伯美

雨中荅朱濟之見招

唐兄叔達六十初度

鮑甥至感悼口號

過長蘆畫桺歎別

崑山道中送吳趾瑞之維揚

再過杭州訪許成之同鮑谿父話舊

雨中遊寶石山題畫

湖南晚歸

送客觀潮夜歸逢成之醉後作

許儆韋白下寄丙午所畫秦淮秋雨索題

題吳處士若虛風雪沽酒圖

雨中柬吳淳叔

垂楊人馬題扇二絕句

西湖襍題

雨晴吳介甫淳叔邀泛湖和顏將軍韻

贈陳文叔

荆雲卷十二 凡五十二首

值聞上人同宿淨慈朗微閣

入韜光

同聞上人作

雨夜懷許成之

步月懷聞師兄

坐月金蓮池

栖韜光寄訊張卿子

登北高東王徵美兼呈馬薛二子

同聞師兄鮑谿父登北高峯宿絕頂僧舍
卽事

月夜淨慈值周本因懷朱白民

題弄月圖

靈隱絕句

靈隱夜歸

過三生石依蓮上人精舍

再同谿父看天竺桂樹三生石

湖南同吳淳叔方若淵谿父泛月卽事

宗鏡堂玄津上人房

余愛丁家山水木幽茂題畫留僧舍

七夕懷平仲揚州

得子柔長蘅致張季脩書

石佛庵留別雲閒薛更生

酬別蕙光

懷韜光

九月二日子柔天谷丈數輩俱集隱峯師

東林軒話別

同唐婁二兄過安亭訪張六泉文因值洞
庭嚴澄字卽事

十月二日親朋拏舟追餞有同至崑山者
時谿父卧病寺中

十六夜登瓜洲城看月懷舊寄所親
阻風題畫扇示張老

李洋河舟中戲爲俚體遺意

題畫

題桃花流水送張老

秋後戲柬吳中親知二首

登樓

壬子元日試筆

聞起田冬後陸行入楚觀省除歲已遲其
至

喜燈花作

感春

元夕

病酒書懷呈羽明兄

次韻寄子柔兄兼柬所親

憶舊寄茂初兄弟魯生方孺諸君

不見友體戲東仲和長蘅兼訊無際正叔
閑孟兄弟

同羽明惜別

春帆卷十三

凡六十首

絕句

甘寧廟前古樹神鴉

夜雨

歸舟續成前冬阻風畫扇

清明舟中

畫燕

真州醉祖辛宗老

拜錢明府二丈墓

雨中張子薪餉麥

海畔醉張天谷先生墓

次韻酬茂初病餘見訊

移居城南送李緇仲鄉試并寄仲和

朱濟之先生挽詞二首

題松石寄履和

曾波臣爲余父子寫照

子柔兄示余以壽內詩輒賦長句用志欣

慕

白陶詩

送侯起東謁選

放歌行送長蘅北上兼東陸羽明

太保王文肅公挽詩四首

王辰玉太史哀詞六絕

送聞上人張伯美之餘杭

又送伯美

雨中同茂初閑孟過子薪村居卽事

仲夏偶過長蘅水檻卽事

雨中過張魯生清夜聽曲

五月十三日陪茂初兄弟寶尊堂讌集

又呈茂初兄感舊之作

春盡感懷

訪瞿達觀少參

魯生西齋題扇

鄒園天均堂讌集

八月夜過魯生題扇

送曹丈江行之六合

同隱峯長老過海慧堂贈怡玄

雨後蘊暉見訪話舊

毛錐行

秋夜觀汪杲叔印章兼子柔兄題字

題扇送客懷長蘅湖上

王翹草蟲冊

墊巾樓中宋比玉對雪鼓琴余戲作圖便
面漫題時過婁江因訂後期

除夕

松寥卷十四 几四十八首

甲寅元日試筆

喜孫履和病後相見惜別示石甫

胡明府父母雙壽詩

汪孝婦江女詩

春盡

五月一日雨中過東林軒惜別

孫士徵甘露僧房話舊

荅鮑谿父見懷二首

送方叔由金陵錢塘歸東伯雨諸君

奕園歌爲孫照鄰作

次宋大韻卽事與梁五四絕句

次宋韻題贈馬二

由廣陵登金山訪一雨師不遇同宋比玉
和蘇長公韻感舊一首

焦山寺訪湛公過淨蓮故居復同比玉和

蘇韻

松寥僧房清夜聽曲和等慈師三首

泛舟法海寺登觀音閣望金山懷子柔京

口

再過鶴林尋子柔同飯晚歸金山月下作
酒後漫歌爲師孟壽兄康成

喜仲扶弟高郵過訪阿防亦至

雪坡道人畫歌

顧所建席上分得齊字送方季康

廣陵同舟次吳門與季康震甫惜別

寄懷瞿達觀先生山居

伍相廢祠

走筆別比玉

元日同唐孟先塾中樓晏坐

正月十八夜宿長蘅家感舊和前次醉

詩韻

新晴季明孺同王伯深攜詩見訪畱飲賦
得勸酒

憶焦山題畫二首

送唐正叔遊白門寄蘊暉上人

過友人林亭

重到揚州書懷寄震甫若淵

書去年臨別畫疎林暮鴉與季康

喜瞿起田捷至

唐孟先還郊居惜別

雨夜懷比玉

麴蘖篇爲季明孺作

沈公路海上遠致香粳糟茄饋歲對雪東
謝

除夜書懷寄履和六安

松園浪淘集卷中目錄終

松圓浪淘集

新安

程嘉燾孟陽著

移居卷八 九四十四首

元日雨中同士徵言懷

元日江城雨色新
天涯小閣共逢春
百季麤糲長留客
千里柴荆遠傍人
老去不才虛薦達
閒來有味是清貧
還看暮景飛騰惡
羞作蓮花幕裏賓

喜孫士徵遠訪因憶鄉園遣懷

千山雨雪斷經過
江上相逢引興多
但使客來

仍酒在肯言老至奈春何松齋久閉愁花鳥踏
閣深遊夢薜蘿一繫扁舟終遠去對君那忍不
狂歌

送士徵有寄

新水催離棹春風憶敝廬三江生笋候一雨落
梅初山驛輿衝鳥淞城卧食覓琵琶花下過爲
訪閉門居

又述懷兼柬所知

暮雪柴門下看攜驥子回盤飧只蔬菽衾枕更
莓苔藥裹貧難理書檝懶未裁不知送歸罷愁

緒幾時開

寄許康侯

繫馬長干日尋君秋葉黃題名看寺壁行跡訪
僧廊因想帆過院如聞灘殷牀谿堂同卧起吳
客最難忘

再過幕府呈戚總戎

帶索無名老鶻冠乍攜詞筆從戎鞍軍城月出
笳簫靜海嶠烽消斥候寒枯柳啼鴉看雪盡桃
花照馬畏春闌逡巡趨府綠多病真愧將軍禮
數寬

吳淞雨夜懷士微

江夜聞風雨桃花莫又疎谿亭水應長山店潦
何如惜與故人別心知歸計虛君還向朋好先

詫右軍書

同在太原公家
觀右軍墨蹟

風雨嘆

寄城中故人

少季光陰半悽惻耿耿春時到胸臆季來困懶
學無情苦遭鶯花尚相識繁華過眼快意盡夢
中思夢徒嘿嘿今季作客軍城中雪泥鴻跡隨
西東花時兀兀閉門坐慣聽海雨兼江風今朝
清明昨上已舊遊疎索心應同朝來風定天如

墨長蔓深條困無力。天教濯枝會有意。不落知
非故顏色。寄言身老亦如花。不用爲花長歎息。

兒病起戲劬長慶體

欲過東城水竹鄰。未離蓬戶已逡巡。風光埋沒
餘三月。意味湔除向二旬。擬豁酒腸仍帶結。將
舒笑口尚含顰。直愁親舊相憎厭。羞澁幾成一
俗人。

寄莊將軍

僧榻書廊卧夕曛。興來吟嘯每過君。梅殘燭燼
疎窻雨雪泣香濃。小閣雲茶作松風。先破睡墨

添山氣待微醺自從一別蓮花府月下笳簫憶
共聞

寄懷趙常山

名曰熹

軍城衙散日招尋小閣深杯愜素襟密和瓊章
飛夜雪高吹瑤管入春陰籠禽時就幽人掌櫪
馬長嘶烈士心東望登樓最惆悵海雲江雨晚
沉沉

閏九日陪張錢二丈登城晚眺

次子柔韻

酒闌人影自紛紛送目高城戀夕曛東望川平
迴去鳥西來山盡失歸雲百季長作登樓客九

日重追落帽羣潦倒自慙虛令節紫萸黃菊漫
殷勤

曉雨

曉雨千家山郭東依微吳岫白雲中江潮盡處
湖波綠霧樹開時木葉紅衣上夜沾婁縣酒帆
前寒挂錫山風閒遊還徃心誰在莫道因人作
轉蓬

同閑孟長蘅出郭看梅期遊江橋作

薄薄晴雲漏日微風江連郭雪花飛翻翻弱篠
斜侵徑滾滾繁香亂撲衣濁酒半傾還自戀扁

舟一弄已忘歸十季未識江橋路
明發從君願不違

乙巳清明偶題阿防扇

昨得故人書東風連夜起
夢遊谿堂上花開綠潭底
松楸三百季春光一千里
孤帆未可知離憂詎能已

聞方方叔平仲各罹艱故悲悼三首

憶滯長干日君維入洛航
吳楓十月赤江柳半天黃
醉裏曾攜被離前更解裝
別來唯涕淚回首一茫茫

春還江信斷目極數行來誰謂鄉書苦翻令客
思哀素帷南省下孤櫬北譙回人世看如此衰
容任早推

憔悴空山裏新季雨雪仍春遲泉未動風息樹
無憑衣故縫時線帷殘續處燈知君猶孺慕氣
力恐難勝

石岡園雜詩五首

方伯公爲土山峰嶺迴
復清池澙澙宛若真境

去城南六七里仲和偕長蘅讀
書其中余喜遊集因屬賦詩

際海平蕪裏名園涌衆山何來丘壑美都集戶
庭閒漁路逢花入樵風引月還謝公多逸興攜

客日躋攀

出郭不知遠沿林新筍成
柳橋塵乍染枳徑雪初明
客到山雲起夔跳春水生
巖扉對軒敞遙識讀書聲

雨餘來谷口春草被山長
不識澗花落惟聞潭水香
聽鶯遷密樹憎鵲踏新篁
欲就谿山閣明燈掃一牀

散髮乘山月明星集夜潭
竹風荷澗北雨氣石岡南
泉酒帶冰綠園瓜出井甘
近來疎野性禽鳥漸相諳

其上浮槎去真成不繫船搔頭流白月垂手蕩
青天潭底見歸鳥露中嘶暗蟬沿洄傍山影涼
意自蒼然

西爽亭

未免人間累時從谷口逃雨來孤嶼濶月出衆
山高漸與無言會方知有待勞翳然林水際何
必異觀濠

送滕子

嘗同叔達孫穀載伎飲竹中時初
秋宿西爽軒賦此

池涼透綃幕夢君深竹裏清暉散短髮白月在
皓齒當時蕩輕舟春雨勢不已夏近笋味苦雨

過茶色美期我來朱明對客沉素李佳期阻三
伏遠遊忽千里秋風豈別時由來徇知已

題長蘅次醉閣

爲愛檀園開北閣兩回三宿小房櫳坐深曲洞
香燈焰睡美疎檣曉日烘白拂花飛方丈雨素
屏灘響一牀風但名次醉猶嫌俗合作禪栖住
遠公

雨夜王翁生鄭閑孟過李長蘅予未能同
輒有此寄

雨送輕潮晚到門知君呼燭理清樽搜尋秋色

新詩本拂拭橙香老瓦盆正喜客來同佞佛何
妨酒罷獨留髡劇憐添得燼霞事不共西窻徹
夜論

桐城葉孝廉雨中夜訪

名燦

維舟寒雨滿柴荆寂寞相求愧友生舊札呼兒
還自檢殘樽對客復同傾朋來笑語愁何在老
去詩篇惜漫成便欲留君解塵榻布帆須緩片
時程

葉孝廉解纜入四明惜別

天涯難見故人來歲晏新知數舉杯兩燭不辭

連夜乘雲帆空惜遲明開鑑湖柳色殘季報稽
嶺春光半道催遙憶風流無賀老早應放却酒
船迴

東沈伯咸丈

一辭京國幾經春斷絕音書暗愴神且喜孤舟
遠瘴癘休嫌十口在風塵章江雨雪侵官冷庾
嶺梅花惹鬢新故里有儒愁餓死相逢還欲問
迷津

送聞師兄之西湖兼寄伯美四首

丙午二月
移居

西閣頻還往沿谿霜月濃新居鏡塘曲精舍但

聞鐘此時三五夜他山千萬峰
臨歧欲有贈正使客心慵

憶昨寒燈夜期遊雪水春不知
時物改但覺愴離新白足方求道
玄經未逐貧因看抖擻意慚愧獨風塵

閉門春雨細齋飯紙窻陰是處應無住
傷離厭有心詩慵看燭短語罷畏春深
問法還多暇雲栖得共尋

管棹孤山雪梅寒白未消茲遊春已半
隄柳放煙條湖寺禪山月松堂梵海潮
遙知逢舊侶雲

外自招邀

鮑甥至夜話明發過揚州輒示三首

管別今幾時離憂那可說江月三十圓顛毛千
丈雪偶然瓊樹枝來值芳菲節况挹吾宗秀高
談寸心折盤中水鄉味衣上吳洲月去去欲何
言然燈念明發

時與宗人
巖軒公偕

前日遊支硎桃花俄滿枝心知山中人見花遙
相思嚴江寫碧玉正爾開帆時春風知別意吹
柳亂如絲

落花飛暮潮輕帆不知處花月廣陵江風波揚

子樹孤雲正無依何時復相遇之子慎令儀母
徒盈百慮

同聞野一雨師過禪悅院宿師心上人房
日落招提隔翠微舊遊沾屨露初晞窻間茶嫩
松風起塔外池涼草色肥偶出虎谿還共笑乍
經香積已忘歸中宵晏坐清無寐燈影星光動
竹扉

惠泉上見惟康聞士微已過余客舍

春還江上少郵筒此地逢君是夢中別路寒飛
千嶺葉客帆朝落二泉風足音豈意來空谷身

世惟應問斷蓬預想到家歡不足一樽仍與故人同

張魯生遣馬迎過郊居話別

昨夜南橋有報書侵晨騎馬過郊居江村月出風陰後花木涼生宿雨餘新句意多難較穩故人情在亦從疎清秋不淺茅齋興槎蕩浮雲信所如

寄訊許成之

念子顏仍瘦憐予眼獨青開書同愈疾愛畫卽忘形

吾久病瘥推分伯美

行藥來湖墅攜錢過柳亭客中

心可見愁髻颯如星

唁瓜洲閔氏妹婿

江亭回首亦吾鄉
目極春雲幾斷腸
涕淚把君還共雪
鬢毛驚我頓如霜
妹愁莫遣憐兄瘦
甥姣從看似母長
慙愧管時磨鏡客
故人應恕懶稽康

五月送徐爾常

同殷懃之

憶昨梅花發懸燈
坐小亭下帷書
草綠弭棹渚
蒲青林雨蒼
苔氣江風白
浪腥長干
依古寺
同照案頭螢

過崑山西城拜孫丈振願先生墓

乙巳秋

穿林經亂水披草認孤墳客路惟雙淚泉臺應
獨聞還思笑語在重覺死生分惆悵西城曲亭
亭落日曛

松圓浪淘集

雪浪卷九

九六十一首

感秋將赴白下作

江雲暮瀟瀟
草露晨靡靡
秋風何處來
一夕衡門裏
乍忻炎歎改
頓感芳歲已
獨宿懷重衾
同心在千里
吾廬足花竹
他鄉多風水
生事負雲

門憂端豈能理

生事一作前期

短歌送許大康侯

好事揚雲老
寂寞獨置一牀
卧高閣
心中未忘
惟故人喚我
出遊尚疎索
當時相送君
顏摧至

今別處湍聲哀等閒念此各惆悵攜手重上清涼臺城南艷舞嬌如玉與子樓居心自足匣有孤琴不用彈臨行爲寫無聲曲

寄許都陽丈淳安

水國秋風動旅情遙憐幽事屬山城高窻翰點千峰翠俯檻鱗游百丈明肯向比鄰延俗客曾因閉戶識先生還鄉賸有嬰兒色拜舞新裁綵服成

丈隱居淳安是歲還家壽母

清涼臺同李長蘅即目有懷子柔

十月十六日

斜陽繫馬集花宮踏閣攀臺坐竹藜佳客正逢

新賞愜

景升玄龍
無雄諸子

前期還惜故人同層城霧曳

江來白疊嶺光搖月出風此夜南齋多嘯咏霜
華吹落幾枝桐

代女郎崔三送友人

昨夜羅帷始覺霜月中疎柳一時黃曉燈欲暗
將離室不道離人畏曙光

九月江南似小春偷春花鳥帶歸人妝樓直對
長干道愁見行車起暮塵

君心未去妾心行相顧無聲覺淚聲別後何人
照顛顛空餘明鏡解含情

莫輕春夢薄殘綠欸語關心十五季覆水落花
難再也匣琴從此怯危絃

華裾賦別酒初醺水調吳歌夜入雲此曲由來
能解恨一時淒切半綠君

楓落鴉翻秋水明長橋衰柳古今情從來歌板
銀罌地多爲傷離不忍行

走筆訓別汪子

管懷剛腸卷柔舌失手一揮唾壺缺季來學道
刻欲平死心無復寒灰熱君憐我寒尚如此恨
不羽毛生頰齒山木庸知脫斧斤爨薪何必諧

宮徵如君長材不可當試卷幾壓經師房肉眼
偶遭一青白負目遂奪連城光我今還家澹無
欲抱石何煩銜空匱君真國寶終相明且須含
輝向深谷會看三季似木雞豈但一舉追黃鵠
曲中聽黃問琴歌分韻八首

夜掃歌樓集鈿車白頭占曲點紅牙梁閒三日
餘音在偷得新腔遍狹邪

牙字

初學鶯簧響露稍還疑鳳吹拂雲旂金屏笑劇
如花女紅豆憑將記曲拋

拋字

莫論歌難聽亦稀坐中有客欲沾衣不看天上

行雲駐試辨林端木葉飛

飛字

曾憐古調背同時廿載心期老曲師爲是唱情
聽不得鬢邊先着幾莖絲

絲字

歌郎酒客盡知名畫燭紅妝作隊迎簷竹蕭蕭
香閣裏花叢十月坐流鶯

鶯字

緩節安歌妙入神玉盤鈴黍串珠勻小姬情事
防人覺挽着雙蛾不肯顰

顰字

輕染鴉黃拂髻鬟鶯雛巧笑鬪雙鸞不知水調
聲能苦感損橫波一寸山

鸞字

十分飛盞任君銜四座無聲罷酒監更請白頭

歌一曲不須看舞越羅衫

監字

流波館聽曲送客短歌分梁字

秦淮水急歸舟翔金陵酒多行客觴玉杯照夜
盛西涼美人逆風聞都梁皓齒欲發脩蛾揚君
爲刻羽儂清商含情掩態迷故常貫珠折木離
圓方若墜若抗隨素吭醉客不醒歌者傷流風
入懷花滿堂江南道路多關山閨夢長詎當騷
人怨搖落况作此聲能斷腸

吳興吳允兆臧晉叔席上同汪仲嘉諸君

分韻送景升

勝流逢若下，祖道出長干。白露方搖落，青山自
屈盤。花邀荆玉暖，歌引越羅寒。巧笑多新劇，同
心託古懽。簪裾分日盍，衣帶授時寬。獨有含毫
客，懷鄉賦別難。

木末亭

聚寶山連梅子岡，荒亭落木正蒼蒼。煙霜東北
歸舟鷺，江路西南去鳥長。有客登臺還抱病，何
人送遠不還鄉。含情莫值秋冬際，欲採芙蓉在
斷腸。

秦淮水閣歌送潘景升兼訊子荆

秦淮水乾剝雙閣蔣山寒
煙掃疏簿渡頭殘柳
餘幾枝脆葉危條慘於落
舍旁笑問歸何遲吾
儕汗漫安可知新林宿舸
愁夜雪况有倡樓金
屈卮我管揮金樂季少白
頭袖手甘常調愛君
囊底青錢空更賒珠玉邀
鉛紅千金五花叱換
酒四豪七貴爭趨風我今
沉冥無所求故知相
邀輒掉頭愛君浪跡同虛
舟馴狎羣公如狎鷗
局促小兒徒見羞捧袂結
襪詎敢儔人傳髯翁
貴遊子誰識前身淨名士
衣裏長懸如意珠笈
上載歸香海水當時豐于
郝生善名理逢余捉

臂金陵市金粟青蓮笑相似山中寒蘿未可攀

有意乘春采江芷

景升方載華嚴
經板歸新安

酬別苗五美人廿二韻

羈客行將盡歸心看柳條殘枝今欲報解纜是
明朝卷幔牽嵐翠收琴應落潮管逢離宴數曾
負酒船邀一自移西閣相過只北橋石城斜對
戶桃葉僅容舸壻美元名岳娘家舊姓蕭初疑
兼倚玉漸許木投瑤浪迹真逾合幽悰淡若調
扶頭移短髻連臂踏深宵卮屈偏從訴闔藏令
莫鬻脂香盃底度花艷燭前搥畫扇憐蠅小書

裙愛蝶嬌絃清霜欲徹鏡瑩月難消愁袖迎全
鞞妝眉懶半描吭圓容妾顧腕弱勝郎佻歷歷
諧新賞惜惜亮久要事過心共折情在夢無聊
合贈煩纖手分題減素腰景窺長至逼樂記小
春饒舞榭山雲賸離帆浦雪遙吳洲重見月玄
閣正寥寥苗五送別詩云蕭蕭帆舉下中流仍
倚江邊惜別樓不覺歡娛成舊恨更
將新句結離愁月蘇軾寒夜已消魂况復鳴琴
月在門共道絃中流水滋秦淮霜苦縮潮痕

阻風石頭城下長歌別孫士徵

君昨訪我膠城東流金赤日鑪醖紅科頭倒載
碧海上裸體搖羽青林中石頭城西與君別樹

頭無枝地面裂十指朝懸直似槌層衾夜踏冷
勝鐵憐君南都未見收仍同許君爲我留推心
不忍使我覺本意豈及君所謀冶城山房阻舒
眺更僦綺閣飛跨秦淮之長流清谿澈文漾縹
帙鍾陵積翠橫簾鈎我於此中磅礴追卧遊君
日踈踈如有求我巡長干十月紅樹之蕭寺君
過百遍碧玉之倡樓我非清齋即清謳君自擊
鮮呌觥籌相對邈若無朋儔有時竟日言不調
舍傍竊窺胡悠悠何云相好如相尤君聞此言
乃大笑世人那識真同調丈夫肝膽各自許兒

曹嬀媚旋相效君今歸山中谿上水木妙中年
分陰自愛憎且勿飲酒學垂釣舒卷常看出世
心文章早作干時料莫更蹉跎逐腐儒歸遲但
使閨中誚

隔江懷鮑大

隔岼青山語可聞江花雪片晚紛紛是君憶我
題詩夜魂夢如何不見君

早春郊遊荅朱老次韻

殘臘羈人稍定居風光暗入雪消餘冰霜晶晶
江湖潤梅柳忽忽海岼舒野艇又逢禪客別清

鴛漫道俗塵疎。昨緣出郭歸來晚。閒詠君詩愧
不如。

送張伯美遊杭寄成之

夜雪侵梅劇陰寒。勒戶深孤山訪疎萼。二月響
春禽老。困難逢面貧。交秬寄心相逢。憑慰藉與
話有書琴。

送履和攜子之廬江

歸舟江上霰紛紛。不忍吟詩秬爲君。行雁又隨
春後斷。啼鳥偏向雪中聞。沙明婁浦惟殘月。天
入巢湖少暮雲。到日親知俱涕淚。還憑驥子話

離羣

送子柔叅雲栖

結伴春方永，尋僧興亦閒。
獨攜雙屐翠，遙拂五雲山。
法侶多相識，清齋正掩關。
誰知旅泊者，心欲問無還。

春暮與鮑谿父言懷

江上楊花覆白蘋，對君猶喜見殘春。
雲山家在難乘興，風月閒來自愴神。
旁舍盤飧留客共，向人懷抱好誰親。
山中只是空相憶，漫道天涯即比鄰。

暮春谿父遠訪肯留旬月臨別輒贈四首
秦淮西閣夜閉門桃葉渡離尊連曙傾歸舟兼
雪驚風波一相失江上眇難遇至今離別心飄
蕩楊子樹音塵阻空谷春華忽遲暮孤琴千里
來多君美無度

越客來吳洲飛花悵平陸睠焉日攜手散步東
城曲芳園夾清池蒲稗帶脩木林深江月吐鬱
若蒼山麓朱亭晝仍扃影湛華池淥地偏宜深
遊抱被期同宿更邀清泠絃當夜寫鳴玉佳期
曠難合幽意經已熟君歸卧空山羈懷遙斷續

連雨欲成霖別酒不能醉空階崇蘭折苔花青
滿地送子有歸心布帆拂山翠自聞松泉美谿
閣網蘿薜嵐光日夕佳湍響月明至何時此卜
鄰開門見藥肆君平久寂寞移家恐難遂搔曳
空江雲目盡有餘思

歸人隨暮潮離憂自可識衣上膠城酒帆底吳
山色渺然燼波際回首平生憶嚴江月圓時峽
峭風潭黑知君勞夢魂猶甘水鄉食

中宵

四月同長蘅閑孟遊泖上九峰還

竹風梧露小庭虛徙倚中宵念索居山郭酒船

回月下雲泉禪榻別年餘空吟越客行春曲不
見林僧結夏書聞釋在
花山唯有鄰翁相問訊握中
佳句勝瓊琚

憶金陵六首

雜題畫扇

白下霜前遠樹紅經秋羈思浩無窮倪家小樣
山亭子畫得蒼蒼落木風

秋陰殢客思騰騰木末荒臺盡日登誰信到家
翻遠憶雨齋含墨畫金陵

最憶西風長板橋笛牀禪閣雨瀟瀟只今畫裏
猶知處一抹寒煙似六朝

青門楊柳白門烏
秋雨秋陰舊酒壚
何處蘼蕪最相憶
纒絲風雨暗西湖

憶昨長千萬木凋
歸來風雪兩飄飄
帝城春色欺人早
愁見殘冬放柳條

騰下風光旅客顏
奇情孤絕未能還
攜錢日向旗亭醉
醉看長江雪後山

平崑山張仲服

竹林陪小阮長侍嗣
宗遊菊好經冬在
茶香竟日留殘生
餘幾屐老淚阻扁舟
獨到空階下徒悲蕙草秋

寒齋留夜宿遠客自鳴琴
看畫羣山響明燈獨酌
深家貧從契濶身老憺
知音今日人琴意升堂
涕不禁

寄雪浪師京口

時崑山諸老迎太師

遙知宴坐長林芳杯渡中冷
一葉黃六代風流思捉塵
五州燿月夢禪牀雕菰水
國香炊雪朱橘山城味飽霜
此地舊多支許契往來應不厭
津梁

崑山雜題畫絕句十首

不見林僧春復冬
夢經蘭若向鑪峰
西窻一榻

今聞否來聽霜天塔院鐘

紅樹青楓瑟瑟班宿雲殘月有無山煙巒自是
閒家具施與林僧任往還

江月酣林水透霜水精禪院舊繩牀鄰房僧起
啼鴉散塔裏殘燈颯曉光

見說南朝僧巨然筆蹤蒼老墨清妍野人風韻
惟牽率隨意來叅杜撰禪

愛將枯木寫經行策策風林欲作聲一片斷腸
秋色裏白雲黃葉本無情

日落風開吉貝花茨菰葉壞映袈裟隔谿煮豆

燒松子憶得山房夜焙茶

橫雲山北細林東雨郭風塘宛轉通書畫船歸
裝不得燈前幻出有無中

愛作江天萬木枯棘籬茅屋水禽呼酒腸但放
槎牙出不管還宜醒眼無

陳淳放筆學荆關愛作荒林斷水閒我亦老閒
渾漫興葫蘆依樣畫秋山

朱鳥丹山不肯鳴欲圖毛羽世人驚何當千尺
朝陽樹却畫羣鷄飲啄情

送孫氏舅歸陽山大石

頻年風雪阻江關
乍見翻成各愴顏
殘臘已知無客到
清宵聊共訪僧還
歸期野艇潮頭月
遠興書窻夢裏山
若過阮家逢借問
不須重話鬢毛班

畫水

宿世煙波老釣徒
愛看掀舞狎江湖
年來心似無波井
猶帶狂瀾影相無

峴山響梵閣懷季常上人遊九峰三首

袈裟相伴踏清秋
健即閒行懶即休
記得罷琴吹笛夜
雨聲茅屋小如舟

昏黑南村衰露行柳齊如巷月相迎歸房便是
僧歸院塔爾相看似宿生
九峰幾點小窻閒知爾遙臨泐上山同是愛山
須盡興閒雲且莫自飛還

壽李三翁七十

表母舅漢津丈

七十虬須自奮張相過百徧狎清狂教歌不憚
黃金盡知已還將白璧償坐客皆能調樂府嬌
兒已似愛文章自憐蒲柳嬰孩日曾奉齊眉老
孟光

松圓浪淘集卷九

終